

**CONVOCATORIA DA UNIVERSIDADE DA CORUÑA PARA BOLSAS DE COLABORACIÓN  
PARA FORMACIÓN COMPLEMENTARIA NOS DEPARTAMENTOS UNIVERSITARIOS  
DOS CENTROS PROPIOS  
CURSO 2020-2021**

A Universidade da Coruña e o Banco Santander convocan bolsas de colaboración para formación complementaria nos departamentos universitarios dos centros propios da Universidade da Coruña (UDC).

**OBXECTO DAS BOLSAS**

A Universidade da Coruña, co fin de favorecer a formación complementaria do estudantado desenvolvendo a súa formación teórica e práctica, do estudantado matriculado nun centro propio da Universidade da Coruña, en estudos conducentes á obtención dun título oficial de Grao, publica a convocatoria de 52 bolsas de formación complementaria nos departamentos da Universidade da Coruña, dúas prazas por departamento relacionadas no Anexo I.

**ORZAMENTO**

A dotación total das bolsas será de cento seis mil catrocentos cincuenta e un euros con vinte e oito céntimos (106.451,28€) con cargo á partida orzamentaria 0300.0300.15 422D.48000. Sen prexuízo de que este importe puidese ser incrementado en función da dispoñibilidade orzamentaria.

**CONTÍA E PERÍODO**

O importe bruto da bolsa será de 240€ mensuais, ao que se lle aplicarán as retencións correspondentes a conta do Imposto sobre a Renda das Persoas Físicas (IRPF), conforme ao previsto na norma reguladora dese imposto.

Así mesmo, descontarase deste importe a cotización da Seguridade Social correspondente á persoa adxudicataria, segundo o disposto no Real decreto 1493/2011, do 24 de outubro, polo que se regulan os termos e condicións de inclusión no Réxime Xeral da Seguridade Social das persoas que participen en programas de formación.

O pagamento efectuarase con referencia á situación do dereito da persoa bolseira ao día último do mes que corresponda.

A duración destas bolsas será o período comprendido entre o día 16.11.2020 e o 31.05.2021, cunha dedicación de 8 horas semanais, sen que o tempo de dedicación diaria poida exceder de catro horas.

O horario concertarase coa persoa titora tendo en conta a ocupación lectiva da persoa adxudicataria.

## REQUISITOS DAS PERSOAS SOLICITANTES

Todas as persoas solicitantes dunha bolsa deberán cumprir os seguintes requisitos:

1. Estar matriculadas na UDC e ao corrente do pagamento no curso 2020-2021, en estudos oficiais de grao dos centros propios, antes do remate do prazo para solicitar a bolsa.
2. Ter superado o 30% dos créditos en actas confirmadas, na titulación onde estean matriculadas á data de finalización do prazo de solicitude da bolsa.
3. Non percibir ningunha axuda económica/bolsa incompatible.

Estas bolsas son incompatibles coas bolsas de colaboración do Ministerio de Educación, coa convocatoria de bolsas de colaboración en EXPONAV 2020 da UDC e calquera outra para o mesmo fin.

Non se poderá realizar ningunha actividade retribuída que supoña a obtención de ganancias superiores ao trinta por cento do salario mínimo interprofesional (30% SMI), durante o goce da bolsa.

Non se poderá percibir a prestación por desemprego que supoña unha contía superior ao 30% SMI, durante o goce da bolsa.

Para estes efectos, poderáselle solicitar á persoa interesada unha certificación da Axencia Tributaria, acreditativa do seu nivel de rendas.

Estas bolsas son compatibles coas bolsas de carácter xeral do Ministerio de Educación, da Administración Autonómica e coas bolsas e axudas convocadas pola UDC (transporte, residencias, comedor e dificultades económicas).

A obtención simultánea dunha bolsa convocada por esta resolución con algunha axuda/bolsa incompatible, será causa de reintegro das cantidades percibidas.

Non obstante e sen prexuízo do anterior, cando un/unha estudante sexa beneficiario/a dunha bolsa convocada por esta resolución e dunha das bolsas de colaboración para formación complementaria do estudantado da UDC, curso 2020-2021, deberá aceptar só unha delas.

4. Non estar en posesión nin reunir os requisitos legais para a expedición dun título universitario na data de inicio do goce da bolsa.
5. Os/as bolseiros/as de colaboración deberán manter a condición de estudantes de grao da UDC durante o período completo da duración da bolsa.
6. A perda da condición de estudante dunha titulación de Grao da UDC, suporá o cesamento automático da bolsa e a perda dos dereitos que esta leva consigo.
7. Non poderá solicitar unha bolsa de colaboración a persoa que gozase con anterioridade doutra bolsa de colaboración da Universidade da Coruña.

## CONDICIÓNS DA BOLSA

- Existir conexión entre a actividade formativa obxecto da bolsa e o perfil académico da persoa solicitante.
- O departamento solicitado terá que impartir docencia na titulación na que está matriculada a persoa solicitante.

## FORMALIZACIÓN DAS SOLICITUDES

As solicitudes deberán cumprimentarse a través da aplicación informática á que se accede desde a ligazón <http://bolsas.udc.es>.

No momento da solicitude deberá cubrir unha *Declaración de responsabilidade* de que non está incurso en ningunha causa de incompatibilidade, das establecidas nesta convocatoria.

A persoa solicitante só poderá presentar a súa candidatura en 3 departamentos, por orde de preferencia, que cumpran as condicións anteriormente citadas. No caso de exceder ese número, quedarán anuladas todas as solicitudes presentadas

### COMISIÓN DE SELECCIÓN E CRITERIOS DE AVALIACIÓN

A Comisión de Selección será a Comisión de Extensión Universitaria, delegada do Consello de Goberno:

[https://www.udc.es/gl/goberno/organos\\_coexiados\\_e\\_estatutarios/consello\\_goberno/comisions\\_e\\_stables/index.html](https://www.udc.es/gl/goberno/organos_coexiados_e_estatutarios/consello_goberno/comisions_e_stables/index.html)

Vicerreitoras:

Lombardía Cortiña, María José (presidenta)  
López Villar, Cristina

Profesorado:

Ávila Álvarez, Adriana Ivette  
Calvo Rolle, José Luis  
Dopico Calvo, Xurxo  
Ladra González, Susana  
Busto Lago, José M.  
Martín Santamaría, María José

Representantes do estudantado:

Bañón Goiriz, María  
Rey Furelos, Martín

Representantes do persoal de administración e servizos:

Pernas Ladra, Juan Manuel

A Comisión de Selección está facultada para resolver calquera dúbida relacionada coa convocatoria.

O criterio de avaliación será o expediente académico, tendo en conta a nota media simple calculada segundo a Resolución do 15.09.2011 da Secretaría Xeral Técnica da Consellería de Educación e Ordenación Universitaria (DOG do 30 de setembro), na data da fin do prazo de solicitude da convocatoria.

A valoración será ponderada sobre 10. As notas medias de ensinanza técnica multiplicaranse polo coeficiente 1,17.

## **PUBLICACIÓN DE LISTAXE PROVISIONAL E RESOLUCIÓN DEFINITIVA**

Publicarase no Taboleiro Electrónico Oficial da Universidade da Coruña (TEO) unha listaxe provisoria de persoas admitidas e excluídas e abrirase un prazo 5 días hábiles a partir do día seguinte ao da publicación, para presentar reclamación e/ou achegar a documentación requirida, segundo o motivo da exclusión.

Posteriormente publicarase no TEO a resolución coa listaxe definitiva de persoas adxudicatarias das bolsas e a listaxe de agarda.

Contra esta resolución, a persoa interesada poderá interpoñer un recurso de reposición perante o reitor no prazo dun mes.

## **OBRIGAS DA PERSOA BOLSEIRA**

A persoa bolseira comprométese a realizar a súa actividade formativa seguindo as indicacións da persoa titora.

O incumprimento por parte da persoa bolseira dalgunha das condicións recollidas nestas bases suporá a perda da bolsa concedida e mesmo o reintegro das cantidades percibidas.

A persoa bolseira comprométese a presentar á persoa responsable da súa titorización, unha memoria das actividades formativas realizadas para a súa conformidade, antes do 30.04.2021.

O incumprimento desta obriga suporá o reintegro das cantidades percibidas.

O orixinal da memoria quedará custodiada no departamento en que se desenvolva a bolsa. A persoa titora enviará un arquivo en pdf da dita memoria ao Servizo de Estudantes-SAPE ao enderezo: [sape@udc.gal](mailto:sape@udc.gal).

## **ACEPTACIÓN E RENUNCIA**

Coa aceptación da bolsa, a persoa interesada comprométese a cumprir todas as condicións recollidas nesta convocatoria e na Resolución definitiva de adxudicación das bolsas.

Deberase efectuar no prazo de 3 días hábiles desde o día seguinte á publicación da resolución de adxudicación das bolsas no TEO.

Para a aceptación, a persoa interesada con bolsa adxudicada, deberá presentar os seguintes documentos asinados:

- Impreso de aceptación
- Impreso de alta de persoal
- Documento acreditativo do número de NUSS (número de usuario da Seguridade Social)

Os impresos están dispoñibles na ligazón [http://www.udc.gal/sape/descarga\\_documentos/](http://www.udc.gal/sape/descarga_documentos/)

Ademais, dentro do prazo indicado para a aceptación, as persoas adxudicatarias deberán:

- Solicitar a alta dunha conta bancaria do Banco Santander, onde desexen que se realicen os ingresos pertinentes, a través da Sede Electrónica da Universidade da Coruña (<https://sede.udc.gal>) seleccionando nos trámites de xestión económica o de "alta/baixa/modificación terceiros". Poden acceder directamente desde a ligazón:

[https://sede.udc.gal/services/procedures/ECO\\_003/start](https://sede.udc.gal/services/procedures/ECO_003/start)

Durante o proceso deberán entregar un documento xustificativo do número de conta para a alta e outro arquivo con copia do seu documento de identificación.

- Inscribirse na plataforma de bolsas do Banco Santander na ligazón que se indicará na resolución definitiva da convocatoria.

Se no prazo de 3 días hábiles non se recibise a aceptación da persoa adxudicataria, entenderase que renuncia á bolsa.

As comunicacións coas persoas da listaxe de agarda que, por renuncia das persoas adxudicatarias tivesen dereito ao aproveitamento da bolsa, realizaranse a través da conta de correo electrónico da UDC, indicada na solicitude, con confirmación de entrega, e disporán dun prazo de 3 días hábiles para aceptar a bolsa mediante algunha das formas descritas anteriormente. No caso de non obter contestación no prazo indicado entenderase que renuncia.

Todas as baixas que se produciren antes do 01.03.2021 serán substituídas pola seguinte persoa da listaxe de agarda.

Esta convocatoria debe ser integrada e interpretada ao abeiro do *Regulamento de bolsas de colaboración para formación na Universidade da Coruña, aprobado na sesión do Consello de Goberno do 31.05.2016*:

[https://sede.udc.gal/services/electronic\\_board/EXP2016/000500/document?logicalId=270a83d5-bfff-4160-a362-1d399f71945f&documentCsv=506VOVJQOEAVDMH32QJ1IB5V](https://sede.udc.gal/services/electronic_board/EXP2016/000500/document?logicalId=270a83d5-bfff-4160-a362-1d399f71945f&documentCsv=506VOVJQOEAVDMH32QJ1IB5V)

Calquera dúbida relacionada con esta convocatoria pode consultala a través do correo electrónico: [sape@udc.gal](mailto:sape@udc.gal)

### **PAZO DE SOLICITUDE**

O prazo de solicitude será desde o día seguinte á publicación desta convocatoria no TEO da Universidade da Coruña, até as 23:59 h do día 30 de setembro de 2020.

### **PROTECCIÓN DE DATOS**

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos ("Regulamento Xeral de Protección de Datos" ou RXP), e do artigo 11 da Lei Orgánica 3/2018, de 5 de decembro, de protección de datos persoais e garantía dos dereitos dixitais (LOPD), informamos que os datos que a persoa interesada facilite mediante a concorrencia a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico [secretariaxeral@udc.gal](mailto:secretariaxeral@udc.gal)

A solicitude dunha bolsa ao abeiro do Regulamento de bolsas de colaboración para formación complementaria na Universidade da Coruña, implica a aceptación do contido da convocatoria e a autorización para que os seus datos persoais sexan utilizados pola Universidade, de acordo coa LOPD e lexitimándose nalgunha de las bases previstas no artigo 6 do RXP, coa finalidade da

correcta xestión das bolsas. Todas as persoas que entren en contacto con estes datos coa citada finalidade cumprirán o deber de confidencialidade establecido no artigo 5 da LOPD.

Mediante a concorrencia a esta convocatoria, a persoa interesada consinte expresamente na publicación dos seus datos na resolución da solicitude no Taboleiro Oficial da Sede electrónica da UDC, na forma prevista na Disposición Adicional 7ª da Lei orgánica 3/2018, de protección de datos persoais. A resolución desta convocatoria permanecerá publicada en dito taboleiro. A persoa interesada, se resultase adxudicataria dunha bolsa e a aceptase, consinte expresamente a transmisión da dirección da súa conta de correo electrónico asignada por la UDC ao Banco de Santander, calquera outro dato non será transmitido a terceiros a menos que exista consentimento previo de la persoa interesada ou base legal para esa transmisión. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos contemplados na LOPD.

A persoa interesada consinte no tratamento dos datos aos efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos.

Tales dereitos poderá exercelos:

- destacadamente, a través do formulario para o exercicio dos dereitos en materia de protección de datos persoais, que se pode cumprimentar na Sede electrónica da UDC (<https://sede.udc.gal/>) no apartado Outros trámites;
- mediante solicitude ao responsable do tratamento dos datos (UDC, Secretaría Xeral), á dirección Secretaría Xeral, Reitoría da Universidade da Coruña, rúa Maestranza 9, 15001, A Coruña, ou ao correo electrónico [rpdc@udc.gal](mailto:rpdc@udc.gal); tamén poderá presentarse a solicitude a través do rexistro telemático da Sede electrónica da UDC ou nos rexistros presenciais da UDC.
- mediante solicitude á persoa delegada de Protección de Datos, á mesma dirección postal anteriormente indicado, ou ao correo electrónico [dpc@udc.gal](mailto:dpc@udc.gal); tamén se poderá presentar a solicitude a través do rexistro telemático da citada Sede electrónica ou os rexistros presenciais da UDC

Asemade, ten dereito a presentar unha reclamación ante a Axencia Española de Protección de Datos (AEPD).

## DISPOSICIÓN FINAL

Para os efectos previstos no artigo 45 da Lei 39/2015, do 1 de outubro. do procedemento administrativo común das administracións públicas, esta convocatoria e os sucesivos actos do procedemento a que atinxe, cuxa publicación se determina nestas bases, serán publicados no Taboleiro Electrónico Oficial da UDC.

A Coruña, 18 de setembro de 2020

O reitor

Julio E. Abalde Alonso



**ANEXO I**
**BOLSAS DE COLABORACIÓN EN DEPARTAMENTOS  
(2 PRAZAS POR DEPARTAMENTO)**

| CENTRO / CAMPUS                                       | DEPARTAMENTO                                                                 |
|-------------------------------------------------------|------------------------------------------------------------------------------|
| <b>CAMPUS DA CORUÑA</b>                               |                                                                              |
| Facultade de Ciencias                                 | Bioloxía                                                                     |
|                                                       | Física e Ciencias da Terra                                                   |
|                                                       | Química                                                                      |
| Facultade de Ciencias da Educación                    | Didácticas Específicas e Métodos de Investigación e Diagnóstico en Educación |
|                                                       | Pedagogía e Didáctica                                                        |
|                                                       | Psicoloxía                                                                   |
| Facultade de Ciencias do Deporte e a Educación Física | Educación Física e Deportiva                                                 |
| Facultade de Economía e Empresa                       | Economía                                                                     |
|                                                       | Empresa                                                                      |
| Facultade de Dereito                                  | Dereito Privado                                                              |
|                                                       | Dereito Público                                                              |
| Facultade de Filoloxía                                | Letras                                                                       |
| Facultade de Fisioterapia                             | Fisioterapia, Medicina e Ciencias Biomédicas                                 |
| Facultade de Humanidades e Documentación              | Humanidades                                                                  |
| Facultade de Informática                              | Ciencias da Computación e Tecnoloxías da Información                         |
|                                                       | Enxeñaría de Computadores                                                    |
|                                                       | Matemáticas                                                                  |
| Facultade de Socioloxía                               | Socioloxía e Ciencias da Comunicación                                        |
| Escola Técnica Superior (ETS) de Arquitectura         | Construcións e Estruturas Arquitectónicas, Cívicas e Aeronáuticas            |
|                                                       | Expresión Gráfica Arquitectónica                                             |
|                                                       | Proxectos Arquitectónicos, Urbanismo e Composición                           |
| ETS de Náutica e Máquinas                             | Ciencias da Navegación e Enxeñaría Mariña                                    |
| ETS de Enxeñeiros de Camións, Canais e Portos         | Enxeñaría Civil                                                              |
| <b>CAMPUS FERROL</b>                                  |                                                                              |
| Escola Politécnica Superior                           | Enxeñaría Naval e Industrial                                                 |
| Facultade de Enfermaría e Podoloxía                   | Ciencias da Saúde                                                            |
| Escola Universitaria Politécnica                      | Enxeñaría Industrial                                                         |